

# PROGRAM PODRŠKE MARGINALIZIRANIM GRUPAMA (PPMG)

OKTOBAR 2015.

## ODRŽAN TRENING O TEMI PRAVNE I ORGANIZACIJSKE STRUKTURE ZA 22 ORGANIZACIJE IZ CIJELE BiH

Trening o temi Pravne i organizacijske strukture održan u periodu od 29.9 do 1.10.2015. godine u Sarajevu označio je početak ciklusa treninga čija je realizacija planirana i realizirana do kraja decembra 2015. godine.

22 predstavnika/ce organizacija iz različitih dijelova BiH koje se bave pitanjima osoba sa invaliditetom u našoj zemlji su imali priliku sistemski pristupati izgradnji sistema pisanih politika i procedura svojih organizacija, te zahtjevima zakonskih propisa, donatora i drugih interesnih grupa tokom trodnevног treninga.

Tema organizacijske strukture nevladinih organizacija i uspostavljanje sistema politika i procedura po kojima one djeluju je često, upravo kod organizacija, potisnuta u drugi plan, što je i osnovni razlog zašto je ova tema odabrana kao polazna. Zlatko Sarić, stručnjak za organizacijski razvoj a ujedno i trener koji je održao trodnevne radionice i predavanja o temi Pravne i organizacijske strukture, naglašava da su razlozi za to vrlo prozaični, a tiču se i neprestane borbe za teško dostupna sredstva, što ostavlja nedovoljno vremena i prostora da se organizacije temeljito posvete ovoj oblasti. Ovaj trening se pokazao iznimno korisnim i usmijerenim ka jačanju kapaciteta organizacija koje se bave zaštitom prava marginaliziranih društvenih grupa u BiH, što je jedan od ciljeva PPMG-a.



## SADRŽAJ

Održan trening o temi Pravne i organizacijske strukture.....	1
Osvrt učesnika/ca na korisnost i praktičnu upotrebu održanog treninga .....	3

**“Ovaj trening je pokazao da i sama udruženja shvataju važnost uspostavljanja kvalitetne organizacijske strukture i uspostavljanja internih procedura kao neophodnog uslova za daljnje institucionalno jačanje organizacija. Najbolja potvrda za to je aktivnost učesnika na treningu, entuzijazam koji su pokazali, te diskusije koje su vođene tokom treninga, a prevashodno vezane za mogućnosti implementacije znanja stečenih tokom treninga.“**

Zlatko Sarić,  
trener i stručnjak za organizacijski razvoj



Trening je sadržavao mnogobrojne radionice, individualni i grupni rad, te praktične primjere

U sklopu treninga učesnici/e su imali/e priliku prisustvovati i sesiji o temi Rodna ravnopravnost. Sesiju je vodila gđa Dubravka Kovačević, predstavnica Fondacije CURE. Pitanja poput Zakona o ravnopravnosti polova, povrede Zakona, te rodno odgovornog jezika kao načina prevladavanja diskriminacije u pravnim dokumentima, obrazovanju i medijima su bila jedna od ključnih za diskusiju o ugrađivanju gender mainstreaminga u profil jedne organizacije, a kako bi se osigurala promocija institucionalizacije rodne ravnopravnosti kroz kanale komunikacije, revizije i izvještavanja.



Dubravka Kovačević, predstavnica Fondacije CURE tokom sesije o Rodnoj ravnopravnosti



Same organizacije, posebno novoosnovane, uglavnom ne posjeduju dovoljna znanja o načinima organiziranja i uspostavljanja internih pravila rada, a svijest o značaju ove tematike još uvijek nije na potrebnom nivou. Teme obrađivane na treningu:

- uloga Upravnog odbora,
- podjela nadležnosti između različitih organa udruženja,
- odnos između upravljačkih i izvršnih struktura organizacije,
- jasno definiranje pojmove vezanih za kreiranje politika i procedura,
- te načini kreiranja procedura – su, zapravo, krucijalna pitanja sa kojima se udruženja suočavaju svakodnevno.

U sklopu Programa podrške marginaliziranim grupama, a u svrhu jačanja kapaciteta lokalnih organizacija koje se zalažu za prava, osnaživanje i dostojanstvo nedovoljno predstavljenih društvenih grupa u BiH je planirana i realizacija još dva treninga do decembra 2015. godine o temama: Administracija i ljudski resursi, te Finansijski menadžment po završetku treninga o temi Pravne i organizacijske strukture.

## OSVRT UČESNIKA/CA NA KORISNOST I PRAKTIČNU UPOTREBU ODRŽANOG TRENINGA

Da li je učesnicima/ama trening o temi Pravne i organizacijske strukture bio koristan i koja su nova znanja stekli tokom treninga, pogledajte u našoj video priči koju možete pronaći ovdje.



Učesnici/e treninga

**„Budući da našem udruženju predstoji reorganizacija, statutarno, kroz upravne odbore, skupštinu i ostale organizacione jedinice, svakako da će nam trening biti od velike koristi jer smo stekli nova znanja i upotpunili nedostatke i deficite u kojima se trenutno i nalazimo.“**

Aida Kajan, „Naša djeca – Our Kids“ Mostar

**„Budući da našem udruženju predstoji reorganizacija, statutarno, kroz upravne odbore, skupštinu i ostale organizacione jedinice, svakako da će nam trening biti od velike koristi jer smo stekli nova znanja i upotpunili nedostatke i deficite u kojima se trenutno i nalazimo.“**

Aida Kajan, „Naša djeca – Our Kids“ Mostar

**„Dosadašnji rad našeg Udruženja, odnosno organa Udruženja, se zasnivao na saznanjima i uslovima registracije prije deset-jedanaest godina. Međutim, sve u životu se mijenja – pa i odnosi u nevladinom sektoru, tako da sam na ovom treningu saznao da ipak moram izvršiti promjene u Upravnom odboru i promjene u odnosu izvršnog direktora prema zaposlenicima.“**

Milenko Radmilović, Udruženje „Vedar osmijeh“, Bileća

**USAID - Program podrške marginaliziranim grupama (PPMG)**  
Program provodi Institut za razvoj mladih KULT  
u partnerstvu sa NGO & BUSINESS AUDIT d.o.o.  
Ul. 4. viteške brigade 34-36 • 71210 Ilidža • Bosna i Hercegovina  
T: +387 33 778 766  
F: +387 33 778 779  
**[www.ppmg.ba](http://www.ppmg.ba)**